



## **Cydlynnydd Digwyddiadau Her a Chymunedol– Disgrifiad Swydd**

**Cyflog: £25,000 - £27,500 y flwyddyn**

**Oriau Gwaith: Amser Llawn (37.5 awr yr wythnos)**

**Cytundeb: 24 mis gydag estyniad yn seiliedig ar yr incwm a gyflawnwyd**

### **Crynodeb:**

Mae Elusen Aloud yn chwilio am Cydlynnydd Digwyddiadau Her a Chymunedol i weithio ledled Cymru, gan ein helpu i godi arian drwy roddion. Bydd hyn yn ein galluogi i ddarparu ein gweithgareddau canu grŵp am ddim i bobl ifanc ledled Cymru.

Bydd y Cydlynnydd Digwyddiadau Her a Chymunedol yn aelod rhagweithiol o'r Tîm Datblygu, gan lwyddo i ddenu rhoddion a chefnogaeth gan aelodau'r cyhoedd a rhanddeiliaid presennol. Bydd yn gyfrifol am drefnu digwyddiadau her, digwyddiadau cyfranogiad trydydd parti a digwyddiadau codi arian dan arweiniad gwirfoddolwyr yn y gymuned. Bydd yr ymgeisydd llwyddiannus yn gweithio gyda'r Rheolwr Datblygu, Rheolwr Cysylltiadau, Ysgrifennwr Ceisiadau a Chynnwys a Rheolwyr Prosiect i gyfrannu at y targed codi arian cyffredinol o £725,000.

Bydd gan ddeiliad y swydd ystod eang o gyfrifoldebau a fydd yn gofyn am fenter a hyblygrwydd sylweddol, gan rymuso aelodau'r cyhoedd i gymryd rhan mewn digwyddiadau codi arian neu drefnu eu digwyddiadau eu hunain, a hynny mewn ffordd ddiogel ac effeithiol.

Mae'r Cydlynnydd Digwyddiadau Her a Chymunedol yn rhan o'r Tîm Datblygu, a'r Rheolwr Datblygu fydd y rheolwr llinell. Bydd yn gyfrifol am recriwtio a chynorthwyo gwirfoddolwyr i hybu gweithgareddau codi arian.

Bydd gan yr ymgeisydd llwyddiannus:

- O leiaf 2 flynedd o brofiad yn cynhyrchu incwm mewn rôl codi arian neu werthu sy'n ymwneud â'r cyhoedd
- Sgiliau rhyngpersonol rhagorol, gyda hanes blaenorol cryf o ddefnyddio iaith a chynnwys perswadiol i ymwneud ag aelodau'r cyhoedd a hyrwyddwyr trydydd parti
- Parodrwydd i weithio gyda gwirfoddolwyr, gyda dealltwriaeth o bwysigrwydd cefnogwyr
- Dealltwriaeth o gyllidebau, gyda'r gallu i reoli cofnodion prosiectau yn gywir
- Angerdd dros gefnogi'r celfyddydau a phobl ifanc yng Nghymru
- Hunan-gymhelliant, uchelgais a'r gallu i weithio'n dda yn annibynnol neu fel rhan o dîm

### **Tasgau a Chyfrifoldebau**

#### **1. Rheoli Digwyddiadau Her a Thrydydd Parti**

- Nodi cyfleoedd i gefnogwyr Aloud gymryd rhan mewn digwyddiadau trydydd parti, fel Hanner Marathon Caerdydd, Teithiau Cerdded Rhyngwladol neu Awyrblymio Noddedig

- Cynllunio a rheoli digwyddiadau her, gan sicrhau eu bod yn cael eu cyflawni ar amser ac o fewn y gyllideb
- Defnyddio menter i fwrw ati i hyrwyddo a rhoi cyhoeddusrwydd i ddigwyddiadau Aloud a Thrydydd Parti
- Cynorthwyo aelodau'r cyhoedd i gyrraedd eu targed codi arian drwy ddefnyddio deunyddiau codi arian yn ôl yr angen, h.y. crysau-t, bwcedi, baneri

## **2. Cynorthwyo a Hwyluso Digwyddiadau Cymunedol**

- Grymuso aelodau'r cyhoedd i gynnal eu digwyddiadau codi arian eu hunain, fel Boreau Coffi, Teithiau Cerdded Noddedig a Rafflau, gan sicrhau bod gweithgareddau'n cael eu cynnal yn unol â Rheoliadau Iechyd a Diogelwch, Codi Arian a Diogelu
- Bod yn ymwybodol o ddigwyddiadau cymunedol allanol i fanteisio'n llawn ar gyfleoedd i ymgysylltu neu hyrwyddo
- Gweithio gyda'r Rheolwr Cysylltiadau, Rheolwyr Prosiect a'r Fforwm Ieuenctid i ddatblygu perthynas ag aelodau'r cyhoedd, cefnogwyr unigol, grwpiau cymunedol a busnesau lleol er mwyn denu cymaint â phosibl o roddion o weithgareddau yn eu cymuned
- Gweithio gyda'r Tîm Artistig i ddatblygu ffyrdd i rieni cyfranogwyr gefnogi Aloud
- Cynorthwyo aelodau'r cyhoedd i gyrraedd eu targed codi arian drwy ddefnyddio deunyddiau codi arian yn ôl yr angen, h.y. crysau-t, bwcedi, baneri
- Gweithio gyda gwirfoddolwyr i ddsbarthu gwybodaeth berthnasol am ein gwaith a chyfleoedd i gymryd rhan mewn gweithgareddau a pherfformiadau elusennol ehangach

## **3. Manteisio'n Llawn ar Roddion Rhieni**

- Gweithio gyda'r Rheolwr Datblygu, y Rheolwr Cysylltiadau a'r Tîm Artistig i nodi ac annog rhieni i ymwneud â digwyddiadau Aloud / trydydd parti a'u cefnogi
- Cynorthwyo i ddatblygu camau i gasglu data rhieni a manteisio'n llawn ar gyfleoedd i gyfathrebu â rhieni am ffyrdd y gallent gefnogi'r elusen

## **4. Ar draws pob maes gwaith**

- Gweithio gyda'r Rheolwr Datblygu a'r Tîm Datblygu i nodi a dilyn cyfleoedd newydd i godi arian a chodi proffil ein gwaith
- Datblygu a gweithredu strategaethau i hyrwyddo digwyddiadau her a chymunedol, gan ddefnyddio ystod o offer marchnata digidol a thraddodiadol
- Gweithio gyda'r Ysgrifennwr Cynigion a Chynnwys i ddatblygu llenyddiaeth a gwybodaeth farchnata o ansawdd uchel i gefnogwyr
- Creu cyswllt â chefnogwyr a rhanddeiliaid drwy alwadau ffôn, e-byst, a dulliau cyfathrebu eraill, gan sicrhau bod eu hanghenion yn cael eu diwallu a'u bod yn cael gwybod am effaith eu rhoddion
- Y gallu i reoli eich cyllidebau eich hun a chadw cofnodion cywir
- Dirprwyo tasgau i wirfoddolwyr Aloud pan fo'n briodol
- Gweithio gyda thîm a gwirfoddolwyr Aloud i godi ymwybyddiaeth o gyfleoedd elusennol ehangach yn effeithlon
- Sicrhau bod pob cefnogwr yn cael profiad cadarnhaol wrth godi arian i Elusen Aloud, a themlo eu bod yn cael eu gwerthfawrogi am ddewis cefnogi ein gwaith

## Sgiliau a Phrofiad

	Hanfodol	Dymunol
Profiad blaenorol fel rhan o dîm codi arian prysur, yn ddelfrydol mewn rôl sy'n ymwneud â'r cyhoedd	✓	
Hanes blaenorol o gynhyrchu incwm o ddigwyddiadau codi arian cymunedol a/neu ddigwyddiadau her	✓	
Sgiliau rhyngpersonol a chyfathrebu rhagorol, gyda'r gallu i ymwneud ag ystod eang o randdeiliaid	✓	
Y gallu i dderbyn, trin, dadansoddi a datrys ymholiadau mewn modd prydlon a phriodol, gan gyfeirio ymholiadau heb eu datrys at y person priodol	✓	
Profiad o ddefnyddio ystod o offer marchnata digidol a thraddodiadol i hyrwyddo gweithgareddau codi arian	✓	
Hyfedredd mewn pecynnau TG gyda phrofiad o ddefnyddio Microsoft Office a Canva	✓	
Trwydded Yrru Lân - bydd angen teithio'n aml o amgylch Cymru	✓	
Profiad o weithio gyda gwirfoddolwyr		✓
Profiad o weithio â sianeli'r cyfryngau cymdeithasol		✓
Dealltwriaeth o gyfreithiau, rheoliadau ac arferion gorau ym maes elusennau a chodi arian, gan gynnwys GDPR, Diogelu Data, Diogelu a thrwyddedu		✓

## Manyleb Bersonol

	Hanfodol	Dymunol
Angerdd am waith Elusen Aloud ac ymrwymiad i'n cenhadaeth	✓	
Person brwdfrydig, llawn cymhelliant, sydd wedi'i ysgogi i gyrraedd targedau	✓	
Trefnus iawn, gyda sylw rhagorol i fanylion a'r gallu i reoli sawl tasg ar yr un pryd	✓	
Agwedd ragweithiol a hyblyg at waith, gyda'r gallu i weithio'n annibynnol ac fel rhan o dîm	✓	
Y gallu i fod yn greadigol a rhagweithiol	✓	
Yn barod ac yn gallu gweithio gyda'r nos ac ar benwythnosau yn ôl yr angen i gefnogi ymrwymadau gwaith allweddol	✓	
Y gallu i gyfathrebu yn Gymraeg – yn ysgrifenedig ac ar lafar		✓

### **Disgwylir i bawb yn Elusen Aloud wneud y canlynol:**

- Cydweithio i gyflawni'r cynllun strategol 3 blynedd
- Mynd ati i gefnogi a hyrwyddo ymrwymiad Elusen Aloud i amrywiaeth, cynhwysiant a mynediad ym mhob maes gwaith
- Cadw at holl bolisiau a gweithdrefnau Elusen Aloud ym mhob maes gwaith
- Bod yn ymrwymedig i ddatblygiad proffesiynol parhaus, gan gynnal unrhyw aelodaeth broffesiynol fel y bo'n briodol
- Rhannu gwybodaeth a sgiliau'n rhagweithiol i ddatblygu dealltwriaeth neu sgiliau cydweithwyr, Ymddiriedolwyr a gwirfoddolwyr
- Cynnal ymwybyddiaeth o sut mae eu gwaith yn effeithio ar godi arian a rhoddion unigolion
- Cynnal ymwybyddiaeth o'r cyllidebau sydd ar waith ar gyfer gweithgareddau a sicrhau y manteisir ar ffrydiau incwm
- Deall sut mae eu gwaith yn bwydo i mewn i'r Strategaethau Cyfathrebu a Chodi Arian
- Datblygu cynnwys ar gyfer y wasg a'r cyfryngau
- Cefnogi gwaith gwerthuso ac adrodd ar effaith
- Lliniaru effaith amgylcheddol eu gwaith
- Mynychu cyfarfodydd tîm, cyfarfodydd eraill y cwmni, digwyddiadau hyfforddi a mentrau yn ôl y gofyn
- Ymgymryd ag unrhyw ddyletswyddau eraill a allai fod yn ofynnol o bryd i'w gilydd gan yr elusen (Mae Elusen Aloud yn cael ei rhedeg gan dîm bach sy'n cyflawni ystod eang o weithrediadau ac weithiau efallai y bydd angen i ddeiliad y swydd gyflenwi ar gyfer aelodau eraill o'r tîm neu helpu gyda gweithrediadau eraill yr elusen)

**Lleoliad:** Mae swyddfa Elusen Aloud yn Uned 1, Regents' Court, Heol Nettlefold, Caerdydd CF24 5JQ. Mae gennym bolisi gweithio ystwyth sy'n cynorthwyo staff i weithio'n hyblyg a dewis lle i weithio sydd o gymorth i'r dasg sydd ar y gweill.

Mae'r swydd hon yn gofyn am deithio rheolaidd ledled Cymru ac o'r herwydd, rydym yn disgwyl i ddeiliad y swydd fod wedi'i leoli yng Nghymru gyda'r opsiwn o fod yn gweithio o gartref neu o'r swyddfa. Bydd gofyniad isafswm o deithio misol i Gaerdydd ar gyfer diwrnodau a chyfarfodydd tîm.

**Oriau gwaith:** 37.5 awr yr wythnos. Mae'r oriau gwaith yn hyblyg i gynorthwyo llesiant staff yn ogystal â diwallu anghenion busnes y sefydliad. Disgwylir i rhain gynnwys nosweithiau a phenwythnosau i gyflawni anghenion y rôl.

**Gwyliau:** 25 diwrnod o wyliau blynyddol, yn ogystal â gwyliau banc.

**Pensiwn:** Mae cynllun pensiwn cyfrannol ar gael. Rydym ar hyn o bryd yn darparu cyfraniad pensiwn o hyd at 3% o gyflog gros ar ôl cwblhau'r cyfnod prawf.

**Cyfnod rhybudd:** 1 mis.

Mae Elusen Aloud wedi ymrwymo i ddarparu amgylchedd cynhwysol, parchus a chroesawgar i bob aelod o staff a'r sawl y mae'n gweithio gyda nhw. Gwerthfawrogwn bob aelod o staff ac aelod posibl o staff fel unigolion unigryw, a chroesawn amrywiaeth y profiadau sydd ganddynt i'w cynnig. Nid ydym yn caniatáu gwahaniaethu. Credwn y dylai pawb gael eu trin yn gydradd waeth beth yw eu hunaniaeth o ran rhywedd, hil, anabled, cefndir ethnig neu economaidd-gymdeithasol, oedran, amgylchiadau teuluol, statws priodasol neu bartneriaeth sifil, crefydd, cyfeiriadedd rhywiol, ailbennu rhywedd, beichiogrwydd a mamolaeth neu wahaniaeth amherthnasol arall, ac rydym wedi ymrwymo i weithio gydag amrywiaeth mewn ffordd bositif.

Mae Aloud yn croesawu ac yn annog ceisiadau gan grwpiau o bobl sydd wedi'u tangynrychioli gan gynnwys pobl Ddu, Asiaidd ac Amrywiol Ethnig, pobl F/fyddar, Anabl a Niwroamrywiol, siaradwyr Cymraeg a'r sawl sydd â nodweddion gwarchoddedig. Bydd egwyddorion cystadleuaeth deg ac agored yn berthnasol, a chaiff penodiadau eu gwneud ar sail teilyngdod.

**I ymgeisio:** Anfonwch eich CV a dim mwy na dwy dudalen o lythyr eglurhaol yn nodi sut rydych yn ateb gofynion y rôl i [recruitment@thealoudcharity.com](mailto:recruitment@thealoudcharity.com).

**Dyddiad cau derbyn ceisiadau yw 3pm ar ddydd Llun 2 Hydref 2023.** Gofynnir i ymgeiswyr hefyd gwblhau ffurflen cydraddoldeb, a fydd yn cael ei dynnu ffwrdd o'r ffurflen gais wedi'i dderbyn a ni chaiff hwn effaith ar ein penderfyniad.

**Caiff y cyfweiliadau eu cynnal ar ddydd Mercher 11 Hydref 2023** yng Nghaerdydd. Cewch wybod a ydych wedi eich dewis i'r rhestr fer erbyn dydd Mercher 4 Hydref 2023.

### **Diolch am eich diddordeb yn Elusen Aloud.**

Caiff eich cais ac unrhyw wybodaeth bersonol gysylltiedig eu storio a'u prosesu yn unol â'n Polisi Rheoli Data a'u dinistrio ar ôl 6 mis. Pe cewch eich penodi a'ch cyflogi gennym, caiff yr wybodaeth a gyflwynwyd ei chadw'n ddiogel a bydd yn rhan o'ch cofnod cyflogaeth.